

亥 21
3-1410

黃帝內經素問補註釋文

十



黃帝內經素問卷之三十八

金三

黃帝內經素問卷之三十九

金四

黃帝內經素問卷之四十

金五



黃帝內經素問卷之四十

上海涵芬樓影印正統道藏本

黃帝內經素問卷之三十六



南京中醫藥大學圖書館版權所有

黃帝內經素問補註釋文卷之三十八 全三

唐太僕令啓玄子王冰次註

宋光祿卿直秘閣林億等校正

宋守尚書屯田郎孫兆重改誤

天元紀大論篇

黃帝問曰天有五行御五位以生寒暑燥濕
風人有五臟化五氣以生喜怒思憂恐

御謂臨御化謂生化也天真之氣無所不
周氣象雖殊參應一也○新校正云按陰

陽應象大論云喜怒哀思憂恐二論不同者



思者脾也四臟皆受成焉悲者勝怒也二

論所以互相成也

論言五運相襲而皆治之終暮之日周而復
始余已知之矣願聞其與三陰三陽之候奈
何合之

今三

論謂六節臟象論也運謂五行應天之五
運各周三百六十五日而爲紀者也故曰
終暮之日周而復始也以六合五數未參
同故問之也

鬼吏區稽首再拜對曰昭乎哉問也夫五運



陰陽者天地之道也萬物之綱紀變化之父母生殺之本始神明之府也可不通乎

道謂化生之道綱紀謂生長化成收藏之綱紀也父母謂萬物形之先也本始謂生殺皆因而有之也夫有形稟氣而不爲五運陰陽之所攝者未之有也所以造化不極能爲萬物生化之元始者何也以其是神明之府故也然合散不測生化無窮非以五運爲無能爾也○新校正云詳陰陽者至神明之府也與陰陽應象大論同而



兩論之註頗異耳

故物生謂之化物極謂之變陰陽不測謂之神神用無方謂之聖

所謂化物聖神之道也化施化也變散易也神無期也聖無思也氣之施化故曰生

全三

二

氣之散易故曰極無期稟候故曰神無思測量故曰聖由化與變故萬物無能逃五運陰陽由聖與神故衆妙無能出幽玄之理深乎妙用不可得而稱之○新校正云按六微旨大論云物之生從於化物之極



由乎變變化之相薄成敗之所由也又五
常政大論云氣始而生化氣散而有形氣
布而蕃育氣終而象變其致一也

夫變化之爲用也
應萬化之用也

在天爲玄

玄遠也天道玄遠變化無窮傳曰天道遠

人道邇

在人爲道

道謂妙用之道也經術政化非道不成



在地爲化

化謂生化也生萬物者也非土氣孕育則

形質不成

化生五味

金石草木根葉華實酸苦甘淡辛鹹皆化

全三

氣所吐隨時而有

三

道生智

智通妙用唯道所生

玄生神

玄遠幽深故生神也神之爲用觸遇玄通



契物化成無不應也

神在天爲風

風者教之始天之使也天之號令也

在地爲木

東方之化

在天爲熱

應火爲用

在地爲火

南方之化

在天爲濕

應土爲用

在地爲土

中央之化

在天爲燥

應金爲用

在地爲金

西方之化

在天爲寒

應水爲用

在地爲水



北方之化神之爲用如上五化木爲風所
生火爲熱所熾金爲燥所發水爲寒所資
土爲濕所全蓋初因而成立也雖初因之
以化成卒因之以敗散爾豈五行之獨有
是哉凡因所因而成立者悉因所因而散
今三
落爾○新校正云詳在天爲玄至此與陰
陽應象大論及五運行大論文重注頗異
四
故在天爲氣在地成形

氣謂風熱溫燥寒形謂木火土金水

形氣相感而化生萬物矣

此造化生成之大紀

然天地者萬物之上下也

天覆地載上下相臨萬物化生無遺畧也

由是故萬物自生自長自化自成自盈自

虛自復自變也夫變者何謂生之氣極本

而更始化也孔子曰曲成萬物而不遺

左右者陰陽之道路也

天有六氣御下地有五行奉上當歲者爲

上主司天承歲者爲下主司地不當歲者

二氣居右北行轉之二氣居左南行轉之



金木水火運北面正之常左爲右右爲左
則左者南行右者北行而反也○新校正
云詳上下左右之說義具五運行大論中
水火者陰陽之徵兆也

徵信也驗也兆先也以水火之寒熱彰信

陰陽之先兆也

今三

五

金木者生成之終始也

木主發生應春春爲生化之始金主收斂
應秋秋爲成實之終終始不息其化常行
故萬物生長化成收藏自久○新校正云



按陰陽應象大論曰天地者萬物之上下也陰陽者血氣之男女左右者陰陽之道路水火者陰陽之徵兆陰陽者萬物之能始也與此論相出入也

氣有多少形有盛衰上下相召而損益彰矣

氣有多少謂天之陰陽三等多少不同秩也形有盛衰謂五運之氣有大過不及也由是少多盛衰天地相召而陰陽損益昭然彰著可見也○新校正云詳陰陽三等之義具下文注中



帝曰願聞五運之主時也何如

時四時也

鬼臾區曰五氣運行各終朞日非獨主時也

一運之日終三百六十五日四分度之一

乃易之非主一時當其王相因死而爲絕

法也氣交之內迢然而別有之也

帝曰請聞其所謂也鬼臾區曰臣積考太始

天元冊文曰

天元冊所以記天真元氣運行之紀也自

神農之世鬼臾區十世祖始誦而行之此



太古占候靈文洎乎伏羲之時已鐫諸玉
版命曰冊文太古靈文故命曰太始天元
冊也○新校正云詳今世有天元玉冊或
者以謂即此太始天元冊文非是鐫子泉切
太虛寥廓肇基化元

全三

六

太虛謂空玄之境真氣之所充神明之官
府也真氣精微無遠不至故能爲生化之
本始運氣之真元矣肇始也基本也
萬物資始五運終天

五運謂木火土金水運也終天謂一歲三

